



В.М. Грабежова

Став бурсö сиа...

Сыктывкар 2002

В.М. Грабежова

Став бурсо̄ сиа...



Грабежова В.М.

Став бурсö сиа..



Мамӧй

быдтіс менӧ, велӧдіс,
паськыд туйӧ мӧдӧдіс
корсьны аслым олан туй,
ог-ӧ мый вылӧ кӧ туй.

Мамлы,
Анна Фёдоровна Кузьбожевалы

Ме шоча воывла зэв гортö.
Эн дивит таысь менö, мам.
Оз, нинöм вежöрысь оз орöд,
Мый рöдвуж менам олö тан.

Тэ меным сьölöм сетін, быдтін,
Дай ме пытшкын тшöтш тэнад вир.
Век шулін: «Енмöй, сет жö шудсö
Мед олöм эз ло курыд сир».

Ме ачым мам нин, менам куим
Баб нимön шуысь тэнö эм...
Збыль овлö, кыдзи тай тэ шулін:
«Час, мамön лоан, тöдлан сэн».

Да, уна колö вын да сямлун,
Бур ногön быдтысьнытö мед...
Ме кора, прöстит менö талун
Став шогсьыс: вöчлысис тай тэд.

Квайтымын арöс тыртан көть тэ,
Но челядьды тэ век том.
Ми шуам сьölöмсянь: Пöсь аттьö!
Да сиам: Дыр на ещö ов!

1985 во

Пёрысьмыны, шуан, кутін, мудзин?
Ме ог эскы, мый тэ коркё овсян.
Татшөмторйыс вермас лоны кыдзи?
Уджтöгьд нö кыдзи тэнад овсяс.

Абу дышыд, сьölөмсянь век зілян,
Пыр тай шуан: «Йöзсьыс абу лөсьыд!»
Ачыд медводз сьökыд уджсö тілян,
Юрси йылөдзыд көть көтөдöма пөсьыд.

Дугдывтöг тай он на нөктö чуняв,
Мöскөн олан көть, дай мукöд пемöс эм и...
Сиктад уджавтöгьд он на зэв тэ шынняяв,
Уджыд помтöм быд пөлөсыс сэнi.

Ачыд аслыд агроном и тшупсьысь,
Сей талялысь, паччöрыд кө дэбыд.
Турун пунктiгад и косатö на лэчтысь,
Пöжасян кө, няньыд медся небыд.

Öшинь улад мыйыс со оз быдмы!
Век на зілян-вöччöдан тэ сэтi...
Кыдз нö сiдзи: сизимдас тэд лыдмис?!
Ме на эськö ветымынöс сетi.

1995 во

* * *

Пыр на мамӧс лыддя томӧн.
Аслам джын пинь абу вомын.
Челядълӧн нин быдтасъяс со эмӧсь,
А мамъяс миянлы век томӧсь.

Ог тай кужӧй бур ног шуны «аттьӧ»,
Вунӧдлам и козьнавны выль платтьӧ.
Аслым нэм джын регыд тырас тонӧсь,
А мамъяс миянлы век томӧсь!

* * *

Шуавны мича пӧсь кывъяс эн велӧдлы,
Лёк кывъяс сёрниысь тшӧкыда ӧлӧдлӧн.
Дурӧмӧн олӧмысь чорыда чиршӧдлӧн,
Сьӧкыдыс суліс кор, некор эн ӧтдортлы.

Сьӧлӧмын мича, пӧсь кывъясыс чужӧны,
Сӧмын тай висьтавыны ог на пыр кужӧй ми.
Кодкӧ нӧ дивитас меліа шуӧмысь:
Аттьӧ тэд, мамук, миянӧс быдтӧмысь!

* * *

Чужан луныд тэныд сизимдасөд,
Дыр-ө, өдйө өктін та мындасө?
Сьökыд али кокныдпырысь вермин
Сизимдасөд пос тшупөдсө венны?

Уна серөн кысис тэнад олөм,
Некутшөмөс шыбитны оз позь.
Серсө, думсьыд, мичмөдыштны колө.
Гынмөма да, кысь нин – он тай босьт.

Оз и ков, мый вөлі, сійө тэнад.
Абу на и мисьтөм олөм сер.
Велөдчыны тэнсьыд уна колө на,
Орлытөг мед артмас миян сер.

1995 во

77 арös тыригөн

Кык сизима тайö воыс
Зэв бур пасөн мед и лоас.
Аслыд шойччөг сет да лолышт,
Кокныыдджыка сэсса олышт.

А мый?

Челядь важөн быдмалісны,
Ас нянь вылас петалісны.
Дедъяс-бабъяс асьныс öні,
Ен сукөдөн тай, олöны.

Но и вот!

Кортым!

Мөстö арендаö сетлы,
Курортасыны ачыл ветлы.
Вөчөд пиньтö, вурөд гач –
Лоан современной нач!

шмөт!

Тадзи-й ов!

Кор и олан, он кө öні!
Пензиятö вайыштöны:
Сакар-няньыд вылö лоас,
Чөсмөдлан на, коді воас –

Рөдыс ыджыд!

Сьөлөм вылын лөсьыд зэв на,
Мамöй, виччысян кө менö.
Шойччигмозыд олышт сэсса,
Эн на ланьтлы – зілин-пессин.

Шойччөд лов да дыр на ов!

2002 во

Чой-воклы, рөдвужлы

Öльöксан воклы – 35 арös

Öльöксан Михайлöвичлы ыджыд чолöм!
Нимлун кузя ыдждöдлыштны колö.
Талун содiс тэныд ещö öти тшупöд -
35 ар тырис, вокöй, тшук тэд!

35 нин, Шурик вокöй, тэныд.
Кадыс! Кадыс лэбö кутшöм öдйö!
Кöть ичöt пиөн шуö на тай мамыд,
А со нин аслад пиыд – асьтö ордйö.

Олöм вояс вылö элясьны оз ков.
Удитiн нин уна буртор вöчны.
Шань гöтыр аддзин, быдтан челядь со,
Да дыша олöм заводитны водз на.

Мамлы отсась, чойястö эн вунöд,
Кыйсьы, запты пес, выль пывсян тшуп,
Школаад Шаталов мозыд велöд,
Клубын сьыв да йöкты, кор эм здук.

Быдтор верман вöчны сöмын сэк,
Кор дзоньвидзаöсь челядьыд и ачыд,
Вина шом оз дурмöд юртö – грек! -
Кор ставсö водзвыв артыштöма стöча.

1988 во

Ия чойлы

Тэнö чужтылöмась тöлын,
Лымъя, кöдзыд вöлöм.
Көнкö, мед он кынмы ёна,
Зіля пессин-вöрин.

Сэксянь вöрасыд век тэрыб,
Уджсьыд он и умлы!
Тэныд некор паччөр сэрög
Поньтавны, дыр узыны.

Ставыс артмö аслас кадö,
Некодыр он сёрмы.
Быдтор кужан вöчны ладön:
Ытшкыны кöть гөрны...

Быдсөн завидьтышта весиг
Аслам томджык чойлы.
Тэнад олöмыд мед лöсьыд
Лоас век! Оз бырлы!

медлөс

1996 во

пароним

Артасьём

Өтчүд – Июк, мөдүсь – Ия,
Коймөдүсь – Михайловна.
Өтчүд – дас квайт, мөдүсь – комын,
Коймөдүсьсө – ветымын.

50 вонад 17263 лун да вой и волө,
Өти нэмлөн джын – 50 воыд.
Өтчүд сійө мортыдлөн и лолө,
Олөмад сэк зарни кадыс воө.

Өтчүд – Июк, мөдүсь – Ия,
Коймөдүсь – Михайловна
2555 лунсө сөйис-юис, бөрдис-быдмис
детсадйын да көн да,
5375-сө грамота перйис, югзьөдис юрсө,
зілис велөдчөм понда.

9338 луныд уна-ө и эм?
Мый позьө вөчны сэн?
Радейтны зонмөс да гөтырөн лоны,
Юрсюян-оланін дасьтыны-дорны.
Лөсьөдны челядьөс, на понда овны,
Да уджавны, уджавны, мед оз ков корны.

Өтчүд – дас квайт, мөдүсь – комын,
Коймөдүсьсө – ветымын...

Өтчүд – Июк, мөдүсь – Ия,
Коймөдүсь – Михайловна,
Нэмыслысь мөд джынсө тшөкта на овны,
Талунья лөсьыдтөм кадсьыс не повны.
Югыдыс, шаньыс лоас мед уна,
Гугаыс, лөкыс мед өдйөджык вунас.

на рю кинт

2000 во

Оверин
Ольёксан Федоровичлы,
вежайлы

70 арös тыригкежлö

Гарья сиктысь петöм морт —
Мелкöй Педör Ольёксан —
Карö тшупис аслыс горт,
Нэм джынсö нин олö тан.

Аддзис аслыс авья гöтыр,
Быдтис пиös да кык ныв.
Сьök ныс колис вöтын,
Он тайм лигад пыр сыв.

Мортыс ичöтсянныс зиль,
Трактор тöдö гуг и бан:
Жугалöмсö сылысь, збыль,
Шысьыс кылö Ольёксан.

Тшупас керка, тэчас пач —
Ставыс артмас лöсьыд, бур.
Гажöдчигад, кöчамач,
Сыысь гажа морт оз сюр!

Öнi эськö сыв да ов!
Шойчыштны нин воис кад.
— Оз на лэпты, — шуö, — лов,
Уджтöг овны — абу лад!

1998 во

Ыдждөдлөм

Визиндорса Райысь
Гарьяса монь Рая.
Быдлаті зэв лөсьыд, бур,
Сыысь бур монь оз и сюр!

Кужома тай Олюксаныс!
Аддзома тай сы ылсяньыс!
Мича жө и гозя
Овмөдчис ас позьяс.

Бытьё дзик на-й төрыт.
Киссис вина- сурыд.
Свадьба вылын ёна йөктім,
Окасьнысө помтөг тшөктім.
Бурсиөмъяс вөзйис быдөн,
Оломыс мед тырас шудөн.
Збыльмис вөзйөмыс бур йөзлөн —
Оз и лёка овны гозя.

Кужома тай Олюксаныс
Бөрйынысө аслыс аньөс!
Лөсьыд, статя, мича, бур,
Сыысь бурыс оз и сюр!

Быдтор зіля, ладөн вөчө,
Артмө ставыс бура, стөча.
Оласногыс абу крут —
Некод норасьны оз кут.
Аслас сёрниён оз шыблась,
Төдса сылөн уна — быдла-сь.
Ставыс прамой, уджвыв йөз
Пыдди пуктоны сійөс.
Рөдвуж ыджыд, паськыд —
Кодлөнкө да — праздник.
Григорьевна ссылө —
Гөлөс мича, мыла.

7
Вөлөма тай Ољьөксанлөн
Прамой гөтыр бөръян сямыс!
Удж и гаж вылын пыр кыкөн,
Өта-мөдлы — олөм пыкөд.

Став рөдвужыслы зэв любө,
Олөмыс кө лада, шуда.

Оз на сійө прөста шед,
Он кө сьөлөм пөсьтө сет.

Со и зільө, олөм видзө.

Челядь вөсна-с сьөлөм висьө:

Олісны мед наысь бура,

Этшаджык мед лёкыс сюрө.

Ыдждөдламой талун вайө

Рая нима аньөс Райысь.

Талун вуджө ыджыд тшупөд —
Сизимдас ар сылы тшукө.

2000 во.

Ларисалы

Комын ар, а быттьо дзик на төрыт
Гортсьыд лэбовтыштін, мича бобув.
Арлыд содö, кадыс зэв тай тэрыб...
Ачыд аслыд лөсьөдін нин кобув.

Шыбөльыд вөліс — эз этша,
И содтөд на лоасны, гашкө.
Олөмыд кузь, олөмыд сэтшөм —
Оз пыр мелі кывъястө вашкөд.

Енмыс мед видзас жö лөксъыс
Да мыччас на унджыкөс бурсö,
Мездысьны отсалас шогсьыс,
Дай ачыд эн сибөд став жугсö.

Ло авъяөн, лөсьыдөн, шаньён, —
Сиа да вөзъя тэд талун.
Мед арлыдыд чукөрмө-лыдмө,
А сукөд тшөтш содö и сямлун.

1998 во

Гаръяын вёлёма ...

Гаръяын вёлёма Мелкөйлөн рөд,
Вёлёма Трошиньёяслөн – мөд.
Маланья Олексеевнаос томён
Мелкөй ордса вайөдөмась моньён.
Маланья Олексеевнаыд, шаньыд,
Зільён вёлёма ичөтсяньыс.
Пыдди пуктыломась Мелкөй рөдыс,
Абу коралөмаось мөдөс.

Шуда ли эз гозъя олөмыс ло,
Та йылысь төдө Господьыс – со.
Чужтісны-быдтісны челядьос:
Өндрейос да Аннаос,
Ольөксанос, Модяос.

Төдлісны челядьыс крестьяна удж,
Мамныс и велөдіс, коді эз куж.
Быдмисны-сөвмисны, велөдчигтыр,
Мам-батьсө кывзөмөн олісны пыр.

Өндрейныс велөдчис, мамыслы рад:
Отсөг пө лоас... И друг – война кад.
Өндрейос, мичаос, ёнос,
Нуисны... Көні-й туй помыс?..

Быдмисны Ольөксан, Анна да Модьө,
Бөрйисны аслыныс туйнысө водзө.
Уджачось, авъяось, зільось,
Керкаяс лэптісны – выльось.
Төдсаось пьянныс Гаръяса нимнас:
Мелкөйяс ставныс – челядьнас-иннас.
Важ рөдвуж нимыд пө ён,
Оз и мед ло сылы пом!

Рёдыслөн нимыс көть ёна нин важ,
Кутчысьö пыр на, и сійöс он веж.
Шуöны, куим нэм сайын
Деднымлөн дедыс пö роч нимсö вайис.

Илляяс, Петыръяс, Семöяс - рöдас
Унаöн эмöсь... Ставсö код тöдас.
Öти вож рёдыслы чужтіс да быдтіс
Оверин Педөр, Петырлөн быдтас.

2000 во



Менам велёдысяслы, бур йёзлы

Мичлуныд олөмад колыштö пыр,
Кыдзи нö сытöгыс олан?
Абу мед сйö куш лөсьыдик ныр,
А мөвпыд, и садьыд, и лолыд.

Мичаөн вöлис мед вежөр и сям.
Вежöрыд-сямыд — медколан.
Енбиа сямлуныд — кык пөвста на.
И сэтшöми мортыс — меддона.

Менам велёдысьяслы

Югыдджык, озырджык олёмыс,
Тіян кодь йёзыс кө эм.
Сьёлөмад дыр на мед ломалас
Биыс да оз куслы нэм!

Сы мында мывкылун-сямлунсө
Енмыс оз быдёнлы сет.
Чужигад, тыдалө, енэжсө
Виль кодзув югзьөдіс сэк.

Дзырыдыс сылөн пыр вынсяліс,
Сөвминныд уджын и ті.
Сюрліс көть шогыс и мырсьёмыс –
Век на зэв пось сьёлөм би.

Тіянкөд кок ув му подулыс
Зумыдджык кажитчө мем.
Югыдджык, озырджык олёмыс,
Тіян кодь йёзыс кор эм!

1996 во

З.А.Прошевалы

Кутшөм тэныд бур кыв корся?
Лунтыр, рытбыд жуглі юр.
Мөвпъяс сы мында, мый сорся,
Да колан кывйыс оз и сюр.

Медбур коми ногөн шуны:
Сиа кузь нэм да бур шуд,
Мед ачyd верман шыдтö пуны,
Мед висьöм олöмтö оз дзуг!

Мед сьölöм биыд öзъяс дыр на,
Сытöг кöдзыд лоö мем.
Öд синтöм кутюыс моз пыр на
Тэкöд югдöдла юр вем.

*Мария Васильевна
Кузьчуткомовалы*

Быдлаын на колана да шань
Шошка сиктын олысь тайö ань.
Төдса уналы зэв сылөн нимыс,
Вом доръясас чепөсйыштөм нюмыс.

Киыс сылөн быдлаö на судзсьö,
Бытьö оз и төдлы некор мудзсö.
Ачыс тэрыб на жö зэв да варов,
Кöть тай арлыд содыштис на бара.

Восьтыны кö конкурс эськö öнi,
Корсьны: шаньыс, мывкыдаыс кöнi?
Пörъясьны ог понды, эськö шуи:
– Сэтчö миян Марья Васильевна туйö!

Эн ныжмөдчы да дырджык лэчyd ло,
Мед төдчанаөн лоас дзик быд во!
Мед писькөслун оз чинлы ни оз быр,
Мед пыдди йöзыс пуктасны дзик пыр!

1996 во

Геннадий Григорьевич
Бараксановлы
60 арӱс тыригкежӱ

Коми сиктын чужлӱм-быдмӱм морт,
Вежӱрсялис-сӱвмис ыджыд карын.
Кӱть ылын вӱвлӱ сӱсянь муса горт,
Йӱз муяс вылӱ веж эз петлы дарӱм.

Мырсис-перйис уна тӱдӱмлун,
Лукйис, туялис да мудзтӱг корсис
Пыр мыйкӱ вильтор, мед эськӱ эз вун
Шань чужан кывным да мукӱдкӱд эз сорссы.

Нина Васильевна
Кузьпелевалы

Математика школаын велөдны
Помавлін пединститут.
Водзлань нырччин, зілин кыпөдны
Ассьыд вежөр да сямлун быд здук.

Йөзөс велөдан министерствоын
Со нин уджалін кымын во!
Көсйин сьөлөмсянь, коми школаыс,
Мед эз омөльджык рочсьыс ло!

Кымын велөдчан нига, пособие
Ковмис видлавны, корсьны сьом.
Петас нигаыс – шудыс сы сайын,
Мый бур зільомыд тэнад сэн.

2000 во

Т.В.Киселевалы

Быд лун мича тэ, Татьяна.
Некод тэ кодь абу тан.
Нюмсера да серамбана
Кыпыд руа олан сям.

Вежора да киподтуя,
Уджач, тэрыб муса ань.
Быд удж тэнад киын пуо,
Гөгөрбок мед вөлі шань.

«Войвыв кодзувлы»

«Войвыв кодзув» - коми гижöда кодзув,
Чужан кывнымлön дзирдаланін.
Веськыд «Ордымсянь», югöръяс көдзиг,
Аддзин кодзула юрсюянін.

Коми аньяс моз зілян да верман
Быдтан гижысьöс, он тöдлы лич.
Войвыв енэжас пöртмась тэ дыр на,
Содты кывнымлы рöмъяса мич!

Нэм джынйӧс олі нин ме эськӧ,
Но пыр на быттьӧ челядь ру
Павъялас-гӧвкъялас юр весьтын
Да поздысьлас ме пытшкӧ друг.

Сэк бокӧ вештыла став шогсӧ
Да зіля корсьны сэзьдӧмин.
Мед чӧртыс тайӧ кадӧ оксӧ
Да малалӧ став висянін

А сэк ме сералышта гажа,
Тшӧтш шмонитышта – абу дыш!
Дзик томма быттьӧ. Сэсся шоглы
Пыр кута петкӧдлыны мыш!

1990 во

* * *

Овлёма важён
художник Эль Греко,
Бать сертиыс мортыс
чужлёма грекён.
Быдмис да велёдчис,
радейтös олём,
Морösас поздысис
рисуйтны колём.
Петкөдліс йөзös да
Еньясös, ывла...
Ангел кодь сösтём
чужём том нывлөн...
Кутшём жö мичаösь
серпасьяс сылөн!
Нель да джын нэм сайсянь
лов шыыс кылö!

1996 во

Кор тэ тувсов асывводзё
Дзиръя ёшинь восьтан,
Чёскыд сынёд содзён-содзён
Морёс пыткад босьтан.

Восьса ёшинь сайын тулыс
Югыз сывкё, шонтё.
Мелі бансё чужан мулы
Мыччё тувсов шонді.

Лолыз тырё ывла көрнас:
Лём и вадор сэні.
Кыз пу, нюзвиж прёшвияснас,
Нюмъялыштё тэныд.

Тулыс мича, шань том ныв кодь,
Кыпыд, муса шыа!
Зіля төвся бустё пыркөд,
Малыштас мед кинас.

1993 во

Олём дон.

Олөмыд – быдөнлөн олём,
Дженьыд көть сійө, көть кузь.
Шулөмась, овнытө колө,
Мед яндысьны сыысь он кут.

Шунытө – шуёма, кыдзи на лоө,
Та йылысь водзвыв он төд.
Кодікө нигёнысь гөрөдтөг кыө,
Кодлөнкө тшыг нисьө пөт.

Кодкө со бордъяса вөв вылын рөдтө,
Кодкө и подөн оз мудз.
Кодкө и арлыдсө ньөжйөник өктө,
Кодлөнкө киыс век рудз...

Быдөн тай олөмсө олөмөн шуө,
Кутшөм көть сійө эз ло...
Кыдзи пө уджыс мортыдлөн пуө,
Сы серти олөмлы дон.

2000 во

Курыд нюм

Вөлі менам коркө муслун,
Сьөлөм бердөй вөлі пым.
Нюмөй вом дорысь эз куслы...
Мыйла өні быттьө кын?

Оз нин сьөлөм тіпкыв сідзи,
Медым вошліс кок ув туй.
Быттьө радейтөмсьыс мудзи,
Мусук вылад ог нин туй.

Виччысьтөг бара на дум вылө воин,
Вунышлөм чужо́мьд син водзын лои.
Бара нин вежөрöй пeслөдлө важсö.
Казытыла томдырся шондiбан гажсö.

Кор нин дугдан
сэтөр синнад чушкыны,
Важсö выльысь
морöс пытшкын чужтыны.

Енмӱс казътыла да кевма:
Прӱстит да милӱсьттӱ сетышт.
Унаыс мем оз и ковмы,
Эмсӱ мед некод оз нетшышт.

Муна... Муна... Кытчӱ локта?
Мукӱддырйи пола ачым...
Гашкӱ, Енмыс на и пуктӱ
Олӱм визьсӱ менсьым тадзи?

Водзвыв мӱвпалан – оз шузбы,
Артмас, кыдзи он и вӱтав.
Скӱрман да кӱть петан кусьыд.
Босьтан – ставсӱ выльысь вӱчан.

Овлӱ, виччысьтӱг на бурыс
Югзьӱдыштны туйӱс пондас,
Морӱсӱ сӱк шуда вурыс
Поздысяс да дыр и шонтас.

Став бурсö сиа

мамлы, Анна Федоровна Кузьбожевалы.....	4 л.б.
чой-воклы, рөдвужлы.....	9
мена́м велöдысьяслы, бур йöзлы.....	.18
Быдтор йывсьыс	.26



Валентина Михайловна Грабежова

Всего хорошего желаю...

Стихи на коми языке

Отпечатано в редакционно-издательском отделе КРИРОиПК
167000, г.Сыктывкар, ул.Орджоникидзе, 14.

☎ 24-46-79.

Подписано в печать 27.11.02. Бумага офсет. Формат 60x84/16.
Усл-печ.л 2,0. Тираж 100. Заказ № 145

